

周易消息

周易消息卷二

烏程後學紀 磊推

三三坎下坤上

師貞大人吉无咎

師消卦也自乾來也卽乾所謂用九見羣龍无首吉也五月之卦坤爲師師軍旅之名周禮二千五百人爲師師謂眾也以二伏名也二乾上伏坤上也乾上坤上伏也乾卽坤伏動之坤二坤上自下應之乾上體坎坤上體坤坎爲水坤爲地師消卦上下相反故卦坎下坤上有地中有水王者用眾而民從之象故爲師師以來言也貞大人吉无咎皆謂二也乾爲貞二爲

大人大人諸本皆作文人此從子夏傳作大人蓋下
之二卽上之五故爲大人息爲吉坤爲咎乾上動之
二合坤上消卽息也故爲貞大人吉无咎此師之象
也故曰師貞大人吉无咎

初六師出以律否臧凶

否同否泰之
否部鄰反

師初坤二伏乾二也自坤二來也坤動之觀二合乾
初乾動變觀初伏合坤初初以往言也坤爲師坎爲
律律法律也師出以律以坤二言也律謂伏乾二乾
二體坎師出以律謂柔動必以剛也坤爲否乾爲臧
消爲凶否塞也臧善也否臧謂沮塞其善也否謂三
坤初臧卽謂乾二坤二往合乾初乾二變合坤初故

爲否臧否臧故凶此初之象也故初六曰師出以律
否臧凶

九二在師中吉无咎王三錫命

師二乾上伏坤上也乾自坤上伏來

乾在坤下

坤自坤上

來伏也乾動之觀上合坤五坤動之觀五伏合乾五
二亦以往言也坤爲師爲中爲咎息爲吉在師中吉
无咎謂上也上坤五伏乾五也在師中吉以伏乾五
言无咎以坤五言乾五動之五合坤上坤五動變上
伏合乾上五上交易故爲在師中吉无咎乾爲王爲
錫巽爲命王三錫命謂二也二乾上伏坤上也王謂
乾上乾上體乾命謂伏坤上坤上體巽乾上動之上

合坤五坤上動之五伏合乾五自二至五歷三爻故爲王三錫命此申言吉无咎之故也此二之象也故九二曰在師中吉无咎王三錫命

六三師或輿尸凶

師三坤初伏乾初也自坤初來也坤動之觀初合乾二乾動之觀二伏合坤二三亦以往言也坤爲師爲輿爲尸巽爲或消爲凶師或輿尸以坤初言也或謂伏乾初乾初伏體巽尸謂初坤二坤初動之初合乾二乾初動之二伏合坤二故爲師或輿尸師或輿尸故凶此三之象也故六三曰師或輿尸凶

六四師左次无咎

師四坤三伏乾三也自坤三來也動之觀三四亦以往言也坤爲師爲咎內爲左次舍也凡師再宿爲信過信爲次左次謂退舍也四動之三故爲左次左次故无咎此四之象也故六四曰師左次无咎

六五田有禽利執言无咎長子帥師弟子輿尸貞凶

反丈

師五坤四伏乾四也自坤四來也動之觀四田有禽三句以來言也二爲田坤爲禽田有禽謂二也二乾上伏坤上也乾上下合坤上故爲田有禽乾爲利艮爲執兌爲言坤爲咎利執言謂五也五坤四伏乾四也乾四體艮坤四體兌乾四上合坤四故爲利執言

執言謂不二命也不二命則田有禽故无咎長子帥師三句以往言也震爲長子爲帥坤爲師長子帥師謂二乾上也乾上體震坤上伏也動之二合坤上故爲長子帥師艮爲弟子坤爲與爲尸弟子與尸謂三伏乾初也乾初體艮動之二伏合坤二故爲弟子與尸乾爲貞消爲凶貞卽謂乾初弟子與尸故貞凶此五之象也故六五曰田有禽利執言无咎長子帥師弟子與尸貞凶

上大大君有命開國承家小人勿用

師上坤五伏乾五也自坤五來也坤動變觀上伏合乾上乾動之觀五合坤上上以往言也乾爲大君巽

爲命大君有命謂二也二乾上伏坤上也大君謂乾
上乾上體乾命謂伏坤上坤上體巽坤上動之五伏
合乾五故爲大君有命乾爲開爲家坤爲國爲承開
分也開國以乾五言也承家以坤五言也乾五動之
五合坤上坤五動變上伏合乾上故爲開國承家坤
爲小人爲用小人謂初伏乾二也乾二至終不變故
爲小人勿用此上之象也故上六曰大君有命開國
承家小人勿用

彖傳師眾也貞正也能以眾正可以王矣剛中而應行
險而順以此毒天下而民從之吉又何咎矣

王去聲

坤爲眾乾爲正爲王能左右之曰以眾謂二伏坤上

坤上體坤正謂二乾上乾上體乾能以眾正以二乾上言也乾上坤上伏也動之二合坤上故爲能以眾正可以王以五伏乾四言也乾四坤四伏也乾四動之五伏合坤四乾上動之二合坤上故爲可以王矣此數句所以釋師貞大人也乾爲剛坤爲中爲應剛中而應承上乾四言也乾四下應乾上故爲剛中而應乾爲行坎爲險坤爲順行險而順承上乾上言也乾上體坎動之二合坤上故爲行險而順坎爲毒坤爲天下爲民爲從此指行險而順言謂二也以以剛中而應言謂五也剛中而應行險而順故爲以此毒天下而民從之以此毒天下而民從之故吉又何咎

吉以乾上言又何咎以伏坤上言也此數句所以釋
吉无咎也此統釋師彖也故曰師眾也貞正也能以
眾正可以王矣剛中而應行險而順以此毒天下而
民從之吉又何咎矣

象傳地中有水師君子以容民畜眾

地中有水以來言也坤爲地坎爲水地謂二伏坤上
坤上體坤水謂二乾上乾上體坎坤上卽五坤四乾
上卽五伏乾四師消卦上下相反坎消于下坤應于
上故爲地中有水地中有水師之象也故爲師故曰
地中有水師君子以容民畜眾以往言也艮爲君子
君子謂五伏乾四也乾四體艮以謂以變也乾爲容

坤爲民爲畜爲眾容民以二乾上言畜眾以上伏乾五言乾上動之上合坤五乾五動之五合坤上故爲君子以容民畜眾此師變觀之象也故曰君子以容民畜眾

師出以律失律凶也

坤爲失失律以坤二言也律謂伏乾二坤二往合乾初乾二變合坤初故爲失律失律故凶故曰師出以律失律凶也

在師中吉承天寵也王三錫命懷萬邦也

坤爲承乾爲天爲寵承天寵以上坤五言也天謂二乾上坤五動變上伏合乾上故爲承天寵坤爲懷爲

萬乾爲邦懷萬邦以二伏坤上言也萬邦謂上伏乾五坤上動之五伏合乾五故爲懷萬邦故曰在師中吉承天寵也王三錫命懷萬邦也

師或輿尸大无功也

乾爲大爲功大謂伏乾初乾初動之二伏合坤二故爲大无功故曰師或輿尸大无功也

左次无咎未失常也

坤爲失乾爲常常謂伏乾三也坤三之三仍合乾三故爲未失常故曰左次无咎未失常也

長子帥師以中行也弟子輿尸使不當也

行音杭當平聲

坤爲中乾爲行能左右之曰以以謂二乾上中謂二

伏坤上乾上動之二合坤上故爲以中行剛柔相錯
爲不當使謂五不當謂三伏乾初五動之四三動之
二伏合坤二故爲使不當故曰長子帥師以中行也
弟子輿尸使不當也

開國承家以正功也小人勿用必亂邦也

乾爲正爲功能左右之曰以以謂二乾上功謂上伏
乾五乾上動之上合坤五乾五動之五合坤上故爲
以正功坤爲亂乾爲邦亂邦謂初伏乾二乾二至終
不變故爲必亂邦故曰開國承家以正功也小人勿
用必亂邦也

三三
坤下
坎上

比吉原筮元永貞无咎不寧方來後夫凶

比咎
志反

比息卦也自坤來也卽坤所謂用六利永貞也一陽
初息實自乾來不云自乾者乾在坤下也十一月之
卦坤爲比比里黨之名周禮五家爲比比謂比而合
之也以五伏名也五乾初伏坤初也乾初坤初伏也
動之坤五坤初自下合之以柔比剛坤初體坤乾初
體坎坤爲地坎爲水故卦坤下坎上有地上有水之
象故爲比比吉以來言也坤爲比息爲吉比吉以五
伏坤初言也坤初坤初也動之五伏合乾初柔順乎
剛故比吉原筮元永貞以下以往言也坎爲原坤爲
筮爲永爲咎初爲元五爲貞原推原也筮耆也謂分

也筮本有分辨之意後借以爲筮著之用故專以著爲筮筮亦謂分辨也原筮謂推原筮之用也此六十四卦之通例于比發之者比有其象而爲息卦之始也原筮元永貞无咎以五言也謂四也四坤上伏乾上也原謂五乾初乾初體坎筮謂四坤上坤上體坤元謂四伏乾上上反卽初乾初動之初合坤二坤上動之上合乾五乾上動之五伏合坤五故爲原筮元永貞无咎无咎以乾上言五上交易故无咎坤爲不寧爲方上爲來不寧方來以初伏乾二言也乾二動之二合坤初故爲不寧方來坤爲後乾爲夫消爲凶後夫凶以上伏乾五言也乾五變合坤上至終不息

故爲後夫後夫故凶此比之象也故曰比吉原筮元永貞无咎不寧方來後夫凶

初六有孚比之无咎有孚盈缶終來有他吉

比初坤二伏乾二也自坤二來也坤動變臨初伏合乾初乾動之臨二合坤初初以往言也乾爲孚坤爲比爲咎孚信也合也有孚謂有與之孚者謂五也五乾初伏坤初也有孚比之无咎以伏乾二言也乾二動之二合坤初故爲有孚比之无咎乾爲盈離爲缶艮爲終之內爲來非應爲他息爲吉終謂變終也來謂五來也有孚盈缶終來有他吉以坤二言也坤二體離動變初伏合乾初乾初體艮故爲有孚盈缶終

來有他吉此初之象也故初六曰有孚比之无咎有孚盈缶終來有他吉

六二比之自內貞吉

比二坤三伏乾三也自坤三來也動之臨三二以來言也坤爲比爲內乾爲貞息爲吉自由也比之自內以伏乾三言也乾三上合坤三故爲比之自內二伏卽五故貞吉此二之象也故六二曰比之自內貞吉六三比之匪人

比三坤四伏乾四也自坤四來也動之臨四三亦以來言也坤爲比爲匪人比之匪人以伏乾四言也匪人謂坤四乾四上合坤四故爲比之匪人比之匪人

言爲此時之匪人也此三之象也故六三曰比之匪人

六四外比之貞吉

比四坤上伏乾上也自坤上來也坤動之臨上合乾五乾動之臨五伏合坤五四以往言也上爲外坤爲比五爲貞息爲吉外比之以伏乾上言也乾上動之五伏合坤五故爲外比之外比之故貞吉此四之象也故六四曰外比之貞吉

九五顯比王用三驅失前禽邑人不誡吉

比五乾初伏坤初也乾自坤初伏來坤自坤初來伏也乾動之臨初合坤二坤動之臨二伏合乾二五亦

以往言也乾爲顯坤爲比顯比謂初伏乾二也乾二
動之二合坤初故爲顯比乾爲王坤爲用三驅田獵
之禮王用三驅謂五也王謂乾初三驅謂伏坤初坤
初動之二伏合乾二自五至二歷三爻故爲王用三
驅坤爲失爲禽前禽謂二坤三也乾二之二坤三之
三故爲失前禽坤爲邑爲人爲誠誠警敕也邑人不
誠謂初坤二也初爲乾初之邑坤二動變初伏合乾
初故爲邑人不誠息爲吉吉承上數句言也顯比王
用三驅失前禽邑人不誠故吉此五之象也故九五
曰顯比王用三驅失前禽邑人不誠吉

上六比之无首凶

比上坤五伏乾五也自坤五來也坤動之臨五合乾
上乾動變臨上伏合坤上上亦以往言也坤爲比乾
爲首消爲凶比之无首以伏乾五言也首謂四伏乾
上乾五動變臨上伏合坤上故爲比之无首比之无
首故凶此上之象也故上六曰比之无首凶

彖傳比吉也比輔也下順從也原筮元永貞无咎以剛
中也不寧方來上下順也後夫凶其道窮也

比吉也猶言比何以吉也是喝下之辭下乃釋所以
吉也坤爲輔爲下爲順爲從輔佐也謂五伏坤初也
坤初坤初也動之五伏合乾初故爲比輔也下順從
也比輔也下順從也此比之所以吉也此釋比吉也

乾爲剛坤爲中能左右之曰以以剛中以五乾初言也剛謂四伏乾上乾初之二乾上之五伏故爲以剛中以剛中剛柔交易故元永貞无咎此釋原筮元永貞无咎也乾爲上坤爲下爲應上謂初伏乾二下謂初坤二乾二動之二合坤初坤二動變初伏合乾初故爲上下應上下應故不寧方來此釋不寧方來也艮爲道上爲窮道謂四坤上坤上體艮動之上合乾五故爲其道窮其道窮故後夫凶此釋後夫凶也此統釋比彖也故曰比吉也比輔也下順從也原筮元永貞无咎以剛中也不寧方來上下應也後夫凶其道窮也

象傳地上有水比先王以建萬國親諸侯

地上有水以來言也坤爲地坎爲水地謂五伏坤初
坤初體坤水謂五乾初乾初體坎坤初上合乾初故
爲地上有水地上有水比之象也故爲比故曰地上
有水比先王以建萬國親諸侯以往言也乾爲先王
先王謂五乾初也乾初坤初伏也既滅復出故爲先
王以謂以變也上爲建坤爲萬國建萬國以五伏坤
初言也萬國謂初伏乾二坤初動之二伏合乾二故
爲建萬國下爲親震爲諸侯親諸侯以初坤二言也
諸侯謂五乾初乾初體震坤二動變初伏合乾初故
爲親諸侯此比變臨之象也故曰先生以建萬國親

諸侯

比之初六有他吉也

初六坤二變合乾初故爲有他吉故曰比之初六有他吉也

比之自內不自失也

坤爲失自以伏乾三言也乾三上合坤三故爲不自失故曰比之自內不自失也

比之匪人不亦傷乎

兌爲傷傷謂坤四坤四體兌乾四上合坤四故爲不亦傷乎亦承上言也故曰比之匪人不亦傷乎

外比于賢以從上也

坤爲賢爲從賢謂上坤五也乾上動之五伏合坤五故爲外比于賢外比于賢卽所以從上也故爲以從上故曰外比于賢以從上也

顯比之吉位正中也舍逆取順失前禽也邑人不誡上使中也

坤爲位爲中乾爲正位正中以伏坤初言也坤初動之二伏合乾二故爲位正中位正中故顯比吉此釋顯比吉也上爲逆下爲順逆謂二坤三坤三之三故爲逆順謂初伏乾二乾二之二故爲順坤初動之二伏合乾二故爲舍逆取順舍逆取順故失前禽此釋失前禽也乾爲上坤爲中上謂五乾初中謂初坤二

乾初動之初合坤二故爲上使中上使中故邑人不
誠吉此釋邑人不誠吉也故曰顯比之吉位正中也
舍逆取順失前禽也邑人不誠上使中也

比之无首无所終也

艮爲終終謂四伏乾上乾上體艮乾五變合坤上故
爲无所終故曰比之无首无所終也

三三乾下
巽上

小畜亨密雲不雨自我西郊

小畜消卦也自離來也六月之卦坤爲小爲畜小畜
謂小畜于中也以五伏名也五乾四伏坤二也坤二
離二也乾四卽離五伏也坤二動之五伏合乾四二

四交易剛見于外柔畜于中坤二卽四坤上體巽乾
四卽四伏乾五體乾巽爲風乾爲天小畜消卦上下
相反故卦乾下巽上有風行天上之象故爲小畜小
畜以來言也剛柔應爲亨亨通也以五伏坤二言也
謂二五亨也二乾三伏坤三也五乾四伏坤二也乾
三離四也坤二離二也乾三動之二合坤三坤二動
之五伏合乾四四反卽三三四交易故亨坎剛爲雲
柔爲雨密稠也密雲不雨以伏坤二言也坤二卽上
乾二體坎坤二上合乾四乾二下合坤四二四交易
剛上柔下故爲密雲不雨自從也兌初爲西郊自我
西郊以乾四言也西郊謂上伏坤四坤四體兌離初

伏也乾四卽上伏坤四離五伏也坤四動之上伏乾四動變五故爲自我西郊此小畜之象也故曰小畜亨密雲不雨自我西郊

初九復自道何其咎吉

小畜初乾上伏坤五也乾自離三來坤自離五來伏也乾動之需五合坤三坤動之需三伏合乾五初以往言也復反也謂剛反也四爲道自從也坤爲咎復自道以伏坤五言也復謂四伏乾五咎謂四坤上乾五動之三合坤五坤上動之二伏合乾三故爲復自道何其咎息爲吉復自道何其咎故吉此初之象也故初九曰復自道何其咎吉

九二牽復吉

小畜二乾三伏坤三也自離四來也乾動變需二合坤上坤動之需五伏合乾上二亦以往言也巽爲牽牽引也謂四坤上也坤上體巽復謂四伏乾五牽復以乾三言也坤上動之二伏合乾三乾五動之三合坤五故爲牽復息爲吉牽復故吉此二之象也故九二曰牽復吉

九三輿說輻夫妻反目

說音脫

小畜三乾初伏坤初也乾自離二伏來坤自離上伏來也乾動之需初合坤二坤動之需四合乾二三亦以往言也坤爲輿乾爲輻輿說輻以伏坤初言也輿

謂坤初輻謂乾初坤初之四乾初之初故爲輿說輻
震爲夫巽爲妻離爲目夫妻反目以乾初言也乾初
體震坤初體巽乾初動之初合坤二坤初動之四合
乾二二體離離下伏故爲夫妻反目此三之象也故
九三曰輿說輻夫妻反目

六四有孚血去惕出无咎

小畜四坤上伏乾五也坤自離三伏來乾自離上來
伏也坤動之需二伏合乾三乾動之需三合坤五四
亦以往言也乾爲孚孚信也合也有孚謂有與之孚
者謂二乾三也坤爲血爲咎坎爲惕血謂坤上坤上
體坤惕謂伏乾五乾五體坎坤上動之二伏合乾三

乾五動之三合坤五故爲有孚血去惕出有孚血去惕出故无咎此四之象也故六四曰有孚血去惕出无咎

九五有孚孳如富以其鄰

小畜五乾四伏坤二也乾卽離五伏來坤自離二來伏也乾動之需上伏合坤四坤動之需初伏合乾初五以來言也乾爲孚爲富巽爲孳能左右之曰以孚信也合也孳係也有孚卽謂上鄰也上乾二伏坤四也坤四卽五乾四乾四離五伏也坤四離初乾二伏也乾四動變五合坤二坤四動之上伏合乾二坤四體巽故爲有孚孳如富以其鄰此五之象也故九五

日有孳孳如富以其鄰

上九既兩既處尙德載婦貞厲月幾望君子征凶

德言

小畜上乾二伏坤四也自離初來也乾動之需四伏
合坤初坤動變需上合乾四上以往言也兌爲兩坤
爲處兩謂伏坤四處謂五乾四坤四體兌動變需上
合乾四故爲既兩既處乾爲德坤爲載上爲尙尙德
載承坤四言也坤四下合乾四故爲尙德載巽爲婦
乾爲貞坤爲厲婦貞厲承乾四言也婦謂坤四坤四
體巽貞正也乾四上合坤四故爲婦貞厲此三句以
伏坤四言也坎爲月二五對爲望月幾望謂三也三
乾初伏坤初也初體坎乾初之初坤初之四應于初

四故爲月幾望乾爲君子行爲征消爲凶君子謂乾
二乾二卽五伏坤二坤二動之初伏合乾初乾二動
之四伏合坤初故爲君子征凶月幾望故君子征凶
上句乃推言之此二句以乾二言也此上之象也故
上九曰旣雨旣處尙德載婦貞厲月幾望君子征凶
彖傳小畜柔得位而上下應之曰小畜健而巽剛中而
志行乃亨密雲不巳尙往也自我西郊施未行也

悅音

坤爲柔爲位爲下爲應乾爲上分爲曰柔謂五伏坤
二位謂五伏上謂五乾四下謂上伏坤四坤二離二
也動之五伏合乾四乾四卽上伏坤四故爲柔得位

而上下應之柔得位而上下應之剛外柔中此其所
以爲小畜也故曰小畜此釋卦名也乾爲健入爲巽
健而巽謂初也初乾上伏坤五也乾上卽四坤上離
三也坤五卽四伏乾五離五也乾上動之初合坤五
故爲健而巽健謂乾上巽謂坤五也乾爲剛爲行坤
爲中爲志剛中而志行謂四也四坤上伏乾五也坤
上離三伏也乾五離上也乾五動之四伏合坤上故
爲剛中而志行剛中謂乾五志行謂坤上也此二句
乃推言之亨謂二五也二乾三伏坤三也五乾四伏
坤二也乾三離四也乾四離五伏也乾五動之四伏
合坤上乾三動之二合坤三坤五動之初合乾上乾

四動之五合坤二剛柔相應故爲健而巽剛中而志
行乃亨凡言乃者繼辭也此釋亨也上爲尙坤爲往
尙往以五伏坤二言也乾四下合坤二故爲尙往尙
往故密雲不雨此釋密雲不雨也乾下爲施施未行
以乾四言也乾四卽上伏坤四坤四未變故爲施未
行此釋自我西郊也此統釋小畜彖也故曰小畜柔
得位而上下應之曰小畜健而巽剛中而志行乃亨
密雲不雨尙往也自我西郊施未行也

象傳風行天上小畜君子以懿文德

風行天上以來言也巽爲風乾爲天風謂五伏坤二
坤二卽四坤上體巽天謂五乾四乾四卽四伏乾五

體乾小畜消卦上下相反坤二上合乾四故爲風行
天上風行天上柔在剛中小畜之象故爲小畜故曰
風行天上小畜君子以懿文德以往言也艮爲君子
君子謂二乾三也乾三體艮以謂以變也乾爲懿爲
德坤爲文懿謂初乾上文德謂二伏坤三坤三卽二
乾三動之五伏合乾上故爲君子以懿文德此小畜
變需之象也故曰君子以懿文德

復自道其義吉也

坤爲義義謂伏坤五也坤五動之三伏合乾五故爲
其義吉故曰復自道其義吉也

羣復在中亦不自失也

坤爲中爲失中謂四坤上坤上動之二伏合乾三故爲牽復在中牽復在中故亦不自失亦承初言也故曰牽復在中亦不自失也

夫妻反目不能正室也

乾爲正坤爲室正室謂剛柔合也乾動之初坤動之四故爲不能正室故曰夫妻反目不能正室也

有孚惕出上合志也

坤爲志乾爲上上謂二乾三也乾三下合坤三坤上動之二伏合乾三坤三動之五伏合乾上三上交易故爲上合志故曰有孚惕出上合志也

有孚攣如不獨富也

乾爲富富謂上乾二乾四下合坤二坤二卽上乾二故爲不獨富故曰有孚攣如不獨富也

旣雨旣處德積載也君子征凶有所疑也
乾爲德坤爲載積重也德積載以伏坤四言也德謂五乾四乾四動之上伏合坤四故爲德積載巽爲疑有所疑以乾二言也乾二動之四伏合坤初坤初體巽故爲有所疑故曰旣雨旣處德積載也君子征凶有所疑也

三三
乾上

履虎尾不咥人亨利貞
利貞二字從荀氏增以彖傳證之當有

履息卦也自坎來也十二月之卦坤爲履履所以藉

物而爲物履者也以二伏名也二乾三伏坤五也坤五坎五伏也乾三卽坎二也坤五動之二伏合乾三以柔履剛坤五卽三坤初體兌乾三卽三伏乾二體乾兌爲澤乾爲天故卦兌下乾上有上天下澤之象故爲履履以來言也坤爲虎爲人初爲尾兌爲啞通爲亨乾爲利五爲貞啞齧也履虎尾不啞人亨利貞皆以二伏坤五言也坤五卽初乾五履虎尾以坤五言坤五卽三坤初坎五伏也動之二伏合乾三故爲履虎尾不啞人以初乾五言乾五坎上伏也體兌動之初合坤三故爲不啞人亨謂與五亨也五乾四坎三伏也坤五坎五伏也坤五動之二伏合乾三乾四

動之五合坤四三四交易剛柔相應故亨利貞貞謂
乾四此履之象也故曰履虎尾不咥人亨利貞

初九素履往无咎

履初乾五伏坤三也乾自坎上伏來坤自坎上來伏
也乾動之訟三伏合坤上坤動變訟初合乾三初以
往言也故爲素坤爲履爲往爲咎素履謂二伏坤五
往謂初乾五坤五動之上伏合乾上乾五動之三伏
合坤上五上交易坤五卽初乾五伏而又伏故爲素
履素履故往无咎此初之象也故初九曰素履往无

咎

九二履道坦坦幽人貞吉

履二乾三伏坤五也乾卽坎二坤自坎五伏來也乾動之訟初合坤三坤動之訟上伏合乾二二以來言也坤爲履艮爲道乾爲坦坦平也坦坦重象履道坦坦以伏坤五言也坤五坎五伏也動之二伏合乾三乾三卽初伏坤三三體艮故爲履道坦坦坤爲幽人乾爲貞息爲吉幽人貞吉以初乾五言也乾五卽二伏坤五坎上伏也動之初合坤三故爲幽人貞吉此二之象也故九二曰履道坦坦幽人貞吉

六三眇能視跛能履履虎尾咥人凶武人爲于大君履三坤初伏乾二也坤自坎四來乾自坎初伏來也坤動之訟五伏合乾四乾動之訟四合坤二眇能視

三句以來言也目不正爲眇足不正爲跛眇能視跛能履謂上也上乾初伏坤二也眇能視以坤二言也坤二卽三伏乾二二體離離爲目坎二伏也動之上伏合乾初故爲眇能視跛能履以乾初言也乾初卽三坤初初體震震爲足坎四伏也動之上合坤二故爲跛能履坤爲履爲虎爲人初爲尾兌爲啞消爲凶履虎尾啞人凶謂三也三坤初伏乾二也履虎尾以伏乾二言也乾二坎初伏也動之三伏合坤初故爲履虎尾啞人以坤初言也坤初體兌坎四也動之三合乾二故爲啞人履虎尾啞人故凶故爲履虎尾啞人凶武人爲于大君以往言也乾爲武爲大君坤爲

人武人謂坤初坤初卽上乾初故爲武人大君謂五也五乾四伏坤四也坤初動之五伏合乾四乾初動之二合坤四初四交易故爲武人爲于大君此三之象也故六三曰眇能視跛能履履虎尾啞人凶武人爲于大君

九四履虎尾愬愬終吉

履四乾上伏坤上也乾自坎五來坤自坎初來伏也乾動之訟上合坤五坤動之訟三合乾五四以往言也坤爲履爲虎爲愬初爲尾艮爲終息爲吉愬愬重象恐懼貌履虎尾以伏坤上言也謂初乾五也乾五動之三伏合坤上上反卽初故爲履虎尾愬愬終吉

以乾上言也謂二伏坤五也坤五卽初乾五動之上
伏合乾上乾上體艮五上交易故爲愬愬終吉此四
之象也故九四曰履虎尾愬愬終吉

九五夬履貞厲

履五乾四伏坤四也自坎三伏來也乾動變訟五合
坤初坤動之訟二伏合乾初五亦以往言也乾爲夬
爲貞坤爲履爲厲夬決也謂決而去之也夬履貞厲
以乾四言也夬謂上乾初履謂伏坤四貞謂二乾三
乾初動之二合坤四乾三動之初伏合坤三乾三卽
五乾四故爲夬履貞厲此五之象也故九五曰夬履
貞厲

上九視履考祥其旋元吉

履上乾初伏坤二也乾自坎四伏來坤自坎二伏來也乾動之訟二合坤四坤動之訟四伏合乾二上以來言也離爲視爲考坤爲履乾爲祥考察也視履考祥以伏坤二言也坤二體離坎二伏也動之上伏合乾初故爲視履考祥震爲旋初爲元息爲吉旋反也其旋元吉以乾初言也乾初體震坎四伏也動之上合坤二故爲其旋元吉此上之象也故上九曰視履考祥其旋元吉

彖傳履柔履剛也說而應乎乾是以履虎尾不咥人亨剛中正履帝位而不疚光明也

說音悅

坤爲柔爲履乾爲剛柔履剛以二伏坤五言也坤五
上合乾三故爲柔履剛柔履剛故爲履此釋卦名也
兌爲說坤爲應三爲乾坤五卽初乾五坤五坎五伏
也乾五坎上伏也坤五動之二伏合乾三乾五動之
初合坤三剛柔交易故爲說而應乎乾說而應乎乾
所以釋履虎尾不噬人亨也是以句連下讀乾爲剛
爲正坤爲中爲位爲疚震爲帝艮爲光明剛中正以
下乃推言之剛謂五乾四帝位謂五伏坤四乾四體
震坎三坤四伏也動之五合坤四故爲剛中正履帝
位而不疚剛中正履帝位而不疚此五之所以光明
也光以坤四言明以乾四言也此二句推言所以亨

也卽釋利貞也此統釋履彖也故曰履柔履剛也說而應乎乾是以履虎尾不咥人亨剛中正履帝位而不疚光明也

彖傳上天下澤履君子以辨上下定民志

上天下澤以來言也乾爲天兌爲澤天謂二乾三乾三卽五乾四體乾澤謂二伏坤五坤五卽三坤初體兌坤五上合乾三故爲上天下澤上天下澤以柔履剛故爲履故曰上天下澤履君子以辨上下定民志以往言也民爲君子君子謂五乾四乾四體艮以謂以變也乾爲上爲定坤爲下爲民爲志辨分也乾四下合坤四上謂乾四下謂坤四民志謂三坤初坤四

動之訟二伏合乾初乾四動變訟五合坤初故爲君子以辨上下定民志此履變訟之象也故曰君子以辨上下定民志

素履之往獨行願也

乾爲行坤爲願願謂伏也六爻唯初動之三伏故爲獨行願故曰素履之往獨行願也

幽人貞吉中不自亂也

坤爲中爲亂坤五卽初乾五坤五上合乾三乾五下合坤三三五交易故爲中不自亂故曰幽人貞吉中不自亂也

眇能視不足以有明也跛能履不足以與行也啞人之

凶位不當也武人爲于大君志剛也

明謨郎反行音杭
富平聲下並同

乾爲行離爲明剛柔正爲足不足以有明謂上伏坤
二坤二上合乾初故爲不足以有明不足以與行謂
上乾初乾初下合坤二故爲不足以與行坤爲位位
謂伏乾二乾二上合坤初故爲位不當坤爲志乾爲
剛志謂坤初坤初動之五伏合乾四故爲志剛故曰
眇能視不足以有明也跛能履不足以與行也啞人
之凶位不當也武人爲于大君志剛也

愬愬終吉志行也

坤爲志乾爲行志謂伏坤五坤五動之上伏合乾上
故爲志行故曰愬愬終吉志行也

夬履貞厲位正當也

坤爲位位謂伏坤四坤四上合乾四故爲位正當位正當故夬履貞厲故曰夬履貞厲位正當也

元吉在上大有慶也

慶音羌

乾爲大爲慶大謂乾初乾初坎四伏也動之上合坤二坤二卽三伏乾二故爲大有慶故曰元吉在上大有慶也

三三

乾下坤上

泰小往大來吉亨

泰息卦也自家人來也與否反易四月之卦乾爲泰泰通也謂天地交也否泰消息卦卽消卽息泰自復

來否自剝來剝復否泰並反易之卦也剝至渙而止
復至節而止渙變解反蹇節變蹇反解蹇一陽消解
一陽息也解變睽反家人蹇變家人反睽睽二陽消
家人二陽息也睽變否反泰家人變泰反否否三陽
消一陽息泰三陽息一陽消即消即息消息反易所
謂否泰反其類也泰自家人來與否反易初二三在
上四五上在下初二三爲地四五上爲天天下地上
有交之象也以五名也五坤五伏乾二也反坤二坤
五即二乾五反乾二乾二即二伏坤二反坤五坤五家人
上伏也乾二家人初也乾上動之五伏合坤五乾二
體乾坤五體坤乾爲天坤爲地故卦乾下坤上有天

地交之象故爲泰泰以來言也坤爲小乾爲大息爲
吉通爲亨小往大來以卦之全體內象言則小謂四
五上大謂初二三以反以全體外象言則小謂上坤
大謂下乾以成卦言則小謂五伏大謂二也五伏乾
二家人初也二乾五家人五也乾二動之五伏合坤
五乾五動之二合坤二剛柔應故爲小往大來吉亨
吉以五坤五言亨以二乾五言也此泰之象也故曰
泰小往大來吉亨

初九拔茅茹以其彙征吉

泰初乾上伏坤初也乾自家人上來坤卽家人初伏
也反乾初伏坤上乾動之遷上合坤四坤動之遷二合乾四

初以往言也艮爲拔巽爲茅茹根也彙類也拔謂初
乾上也乾上體艮茅茹謂上伏乾初也乾初上合坤
上坤上體巽彙謂初伏坤初也坤初卽上伏乾初乾
上動之上合坤四乾初動之五合坤上坤初動之二
合乾四剛柔互易故爲拔茅茹以其彙震爲征息爲
吉征行也拔茅茹以其彙故征吉征以初乾上言吉
以上伏乾初言也此初之象也故初九曰拔茅茹以
其彙征吉

九二包荒用馮河不遐遺朋亡得尙于中行

馮音憑

泰二乾五伏坤二也乾自家人五來坤卽家人二變

伏也

反乾二伏坤五

乾動之遯初伏合坤二坤動之遯初合

乾五二以來言也乾爲包坤爲荒包荒謂乾五也乾五家人五也動之二合坤二故爲包荒坤爲用爲遺爲亡爲中兌爲河爲朋上爲遐乾爲尙爲行用謂用以變也馮涉也用馮河數句謂五坤五也坤五家人上伏也動之五合乾二乾二體兌家人初也動之五伏故爲用馮河不遐遺朋亡得尙于中行不遐遺以坤五言朋亡以伏乾二言也此二之象也故九二曰包荒用馮河不遐遺朋亡得尙于中行

九三无平不陂无往不復艱貞无咎勿恤其孚于食有福

泰三乾四伏坤三也乾自家人四伏來坤自家人五

伏來也

反乾三伏坤四

乾動之遯二伏合坤初坤動變遯三

伏合乾三三以往言也乾爲平坤爲陂陂傾也平謂乾四无平不陂兼二乾五言也乾五動之初伏合伏坤二乾四動之二伏合坤初故爲无平不陂坤爲往震爲復往屈也復反也往謂四伏乾三无往不復兼上伏乾初言也乾三動之三合坤三乾初動之五合坤上故爲无往不復坤爲艱爲咎乾爲貞艱貞无咎承无平不陂言也謂乾四也乾四動之二伏合坤初故爲艱貞无咎說見下坤爲恤爲食乾爲孚爲福勿恤其孚二句承无往不復言也以坤三言也孚謂四伏乾三恤謂四坤四食謂三乾四坤四動之上伏合

卷二
乾上乾三動之三合坤三坤四卽三乾四故爲勿恤
其孚于食有福于食有福故艱貞无咎此三之象也
故九三曰无平不陂无往不復艱貞无咎勿恤其孚
于食有福

六四翩翩不富以其鄰不戒以孚

泰四坤四伏乾三也坤自家人三伏來乾自家人二

伏來也反坤三坤動之遯上伏合乾上乾動之遯三

合坤三四亦以往言也坤爲翩翩爲不富爲以翩翩

下飛貌重象翩翩不富以其鄰以坤四言也鄰謂五

上二爻也五坤五也上坤上也坤四動之上伏合乾

上坤上動之五伏合乾初坤五動之四伏合乾二故

爲翩翩不富以其鄰艮爲戒乾爲孚不戒以孚以三
伏坤三言也不戒謂坤三坤三體艮孚謂四伏乾三
坤三動變遯三伏合乾三故爲不戒以孚此四之象
也故六四曰翩翩不富以其鄰不戒以孚

六五帝乙歸妹以祉元吉

泰五坤五伏乾二也坤自家人上伏來乾自家人初

來伏也

反坤二
伏乾五

坤動之遯四伏合乾二乾動之遯四

合坤五五以來言也震爲帝初爲乙坤爲歸兌爲妹

乾爲祉息爲吉帝乙謂初乾上上反卽初體震妹謂

五坤五五反卽二體兌祉謂五伏乾二二反卽五體

乾乾上家人上也坤五家人上伏也乾二家人初也

乾上動之初合坤初乾二動之五伏合坤五坤五卽
二伏坤二故爲帝乙歸妹以祉元吉元以乾二言吉
以坤五言也此五之象也故六五曰帝乙歸妹以祉
元吉

上六城復于隍勿用師自邑告命貞吝

泰上坤上伏乾初也坤自家人四來乾自家人三來

伏也

反坤初
伏乾上

坤動之遯五伏合乾初乾動之遯五合

坤上上以往言也艮爲城兌爲隍隍城池復反也城
復于隍以下皆以上伏乾初言也城復于隍謂三乾
四也乾四動之二伏合坤初乾四體艮坤初體兌故
爲城復于隍坤爲用爲師師卽謂初伏坤初也坤初

卽上伏乾初動之二合乾四故爲用師城復于隍故
勿用師坤爲邑乾爲告巽爲命自邑告命謂初乾上
也初爲乾初之邑告命卽告用師之命也告謂乾上
命謂初伏坤初坤初體巽乾上之上坤初之二故爲
自邑告命乾爲貞坤爲吝自邑告命故貞吝卽謂
三乾四也此上之象也故上六曰城復于隍勿用師
自邑告命貞吝

彖傳泰小往大來吉亨則是天地交而萬物通也上下
交而其志同也內陽而外陰內健而外順內君子而外
小人君子道長小人道消也

長丁
丈反

乾爲天坤爲地交交易也天地謂初上也初乾上伏

坤初也

反乾初伏坤上

上坤上伏乾初也

反坤初伏乾上

乾上家人

上也乾初家人三也乾初動之上伏合坤上乾上動

之初合坤初初上交易柔上剛下故爲天地交艮爲

萬物亨爲通萬物謂三四三乾四伏坤三也

反乾三伏坤四

四坤四伏乾三也

反坤三伏乾四

乾四家人四伏也乾三家人

人二伏也乾三動之四伏合坤四乾四動之三合坤

三三四交易故爲萬物通乾爲上坤爲下上下謂二

五二乾五伏坤二也

反乾二伏坤五

五坤五伏乾二也

反坤二伏

乾乾五家人五也乾二家人初也乾二動之五伏合

坤五乾五動之二合坤二二五交易故爲上下交坤

爲志志謂二五伏也乾五下合坤二坤五下合乾二

故爲其志同內謂來而伸也外謂往而屈也乾爲陽
爲健爲君子坤爲陰爲順爲小人陰陽以天地言健
順以上下言君子小人以萬物言三爲道陽息至三
故君子道長陰消至三故小人道消此統釋泰象也
故曰泰小往大來吉亨則是天地交而萬物通也上
下交而其志同也內陽而外陰內健而外順內君子
而外小人君子道長小人道消也

象傳天地交泰后以裁成天地之道輔相天地之宜以

左右民

相息
亮反

天地交以來言也乾爲天坤爲地天謂五伏乾二乾
二卽二乾五體乾地謂五坤五坤五卽二伏坤二體

坤坤五下合乾二故爲天地交天地交故泰故曰天地交泰后以裁成天地之道輔相天地之宜以左右民以往言也坤爲后后謂初伏坤初坤初體坤以謂以變也分爲裁艮爲成爲道乾爲天坤爲地裁成謂初坤初天地之道謂三四三乾四伏坤三也四坤四伏乾三也坤初動之二合乾四乾三動之三合坤三以乾四言則爲裁以乾三言則爲成三四皆體艮故爲后以裁成天地之道坤爲輔爲相爲宜輔相謂初乾上乾上卽坤初天地之宜謂上上坤上伏乾初也坤上體坤乾初體乾乾宜上坤宜下乾上動之上合坤四乾初動之五合坤上故爲輔相天地之宜自坤

之乾爲左自乾之坤爲右坤爲民以左右民承上兩句言也左謂初伏坤初坤初之二故爲左右謂上坤上坤上之五伏故爲右故爲以左右民此泰變遯之象也故曰后以裁成天地之道輔相天地之宜以左右民

拔茅征吉志在外也

坤爲志志謂伏坤初坤初之二故爲志在外故曰拔茅征吉志在外也

包荒得尙于中行以光大也

坤爲光乾爲大能左右之曰以以謂二乾五光大謂五坤五乾五動之二合坤二坤五動之五合乾二故

爲以光大故曰包荒得尙于中行以光大也

无往不復天地際也

乾爲天坤爲地際交際也天謂上伏乾初地謂初伏坤初乾初動之五合坤上坤初動之二合乾四故爲天地際故曰无往不復天地際也

翩翩不富皆失實也不戒以孚中心願也

坤爲失乾爲實皆失實謂上三爻也上三爻皆虛故爲皆失實坤爲中爲心爲願中心願謂三伏坤三也坤三變合乾三故爲中心願故曰翩翩不富皆失實也不戒以孚中心願也

以祉元吉中以行願也

坤爲中爲願乾爲行中謂伏乾二願謂坤五乾二家人初也坤五家人上伏也乾二動之五伏合坤五故爲中以行願故曰以祉元吉中以行願也

城復于隍其命亂也
巽爲命坤爲亂命謂初伏坤初坤初體巽動之二合乾四故爲其命亂故曰城復于隍其命亂也

三三
三三
坤下
乾上

否之匪人不利君子貞大往小來

否部
鄰反

否消卦也自睽來也與泰反易十月之卦坤爲否否塞也謂天地不交也以二名也二坤二伏乾五也

反
坤

五伏
乾二

坤二睽二伏也乾五睽上也坤二動之二合乾

五坤二卽五乾二乾五卽五伏坤五剛上柔下上下
不交坤二體坤乾五體乾坤爲地乾爲天故卦坤下
乾上有天地不交之象故爲否否以來言也坤爲否
爲匪人乾爲利艮爲君子五爲貞否謂坤二反坤匪
人謂三坤三反坤君子謂三伏乾四乾四體艮反乾
坤三睽四伏也乾四睽五伏也坤三動之三合乾四
故爲否之匪人不利君子貞乾爲大坤爲小大往小
來以卦之全體內象言則大謂初二三小謂四五上
言以反以全體外象言則大謂上乾小謂下坤以成卦
言則大謂二伏乾五小謂二坤二此承上否之匪人
不利君子貞言也乾五卽五伏坤五乾五睽上也坤

五睽五也坤二卽五乾二坤二睽初伏也乾二睽二也坤五動變五伏合乾二坤二動之二合乾五故爲大往小來此否之象也故曰否之匪人不利君子貞大往小來

初六拔茅茹以其彙貞吉亨

否初坤初伏乾上也坤自睽三來乾自睽四來伏也

反坤上坤動之大壯二伏合乾上乾動之大壯二合

伏乾初

坤初初以往言也艮爲拔巽爲茅拔舉也茹根也彙類也拔謂上乾初乾初體艮茅茹謂初伏乾上乾上上合坤初坤初體巽彙謂上伏坤上坤上卽初伏乾上乾初動之初合坤四乾上動之二合坤初坤上動

之五合乾四剛柔互易故爲拔茅茹以其彙五爲貞
息爲吉剛柔應爲亨拔茅茹以其彙故貞吉亨貞以
五坤上言吉亨以二乾上言也此初之象也故初六
曰拔茅茹以其彙貞吉亨

六二包承小人吉大人否亨

否二坤二伏乾五也坤自睽初伏來乾自睽上來伏
也

反坤五
伏乾二

坤動之大壯三伏合乾五乾動之大壯三

合坤三二以來言也乾爲包坤爲承包承謂五也五
乾二伏坤五也乾二卽二坤二睽二也坤五卽二伏
乾五睽五也乾二動之五合坤五故爲包承坤爲小
人爲否息爲吉五爲大人通爲亨小人謂二坤二坤

二卽五乾二睽初伏也動之二合乾五故小人吉大人謂二伏乾五乾五卽五伏坤五睽上也動之二伏合坤二與五應于下故爲大人否亨此二之象也故六二曰包承小人吉大人否亨

六三包羞

否三坤三伏乾四也坤自睽四伏來乾自睽五伏來也反坤四伏乾三坤動之大壯初伏合乾初乾動之大壯四合坤四三亦以來言也乾爲包坤爲羞包羞謂四也四乾三伏坤四也乾三卽三坤三坤四卽三伏乾四乾三睽三伏也坤三睽四伏也乾三動之四合坤四坤三動之三合乾四故爲包羞包謂乾三羞謂乾四

也此三之象也故六三曰包羞

九四有命无咎疇離祉

否四乾三伏坤四也乾自睽三伏來坤自睽二伏來

也反乾四伏坤三乾動之大壯五伏合坤上坤動變大壯四

伏合乾四四以往言也巽爲命坤爲咎有命以乾三

言也乾三動之五伏合坤上坤上體巽故爲有命无

咎說見下乾爲祉麗爲離類爲疇疇離祉謂三坤三

也坤三卽四乾三動之初伏合乾初故爲疇離祉疇

離祉故有命无咎此四之象也故九四曰有命无咎

疇離祉

九五休否大人吉其亡其亡繫于苞桑

休許求反

否五乾二伏坤五也乾自睽二來坤卽睽五變伏也
反乾五伏坤二乾動之大壯上伏合坤五坤動之大壯上合
乾二五以來言也坤爲休爲否五爲大人息爲吉休
息也休否大人吉以伏坤五言也坤五睽五也下合
乾四乾四動之三伏合坤三坤五動變五伏合乾二
故爲休否大人吉休否謂乾四大人吉謂坤五也坤
爲亡爲繫坎爲苞桑亡謂消也其亡其亡繫于苞桑
謂初二也初坤初伏乾上也二坤二伏乾五也五上
交易上睽乾上卽乾五乾上睽四也乾五睽上也乾上
動之初伏合坤初乾五動之二伏合坤二初二皆體
坎故爲其亡其亡繫于苞桑此五之象也故九五曰

休否大人吉其亡其亡繫于苞桑

上九傾否先否後喜

否上乾初伏坤上也乾自睽初來坤卽睽上伏也

反乾

上伏坤初乾動之大壯初合坤三坤動之大壯五合乾三

上以往言也坤上爲否下爲喜傾覆也否謂初坤初

也坤初卽上乾初乾初動之初合坤三坤初動之二

伏合乾上故爲傾否先否後喜此上之象也故上九

曰傾否先否後喜

彖傳否之匪人不利君子貞大往小來則是天地不交而萬物不通也上下不交而天下无邦也內陰而外陽內柔而外剛內小人而外君子小人道長君子道消也

長丁
丈反

乾爲天坤爲地交謂交際也天地謂初上初坤初伏

乾上也

反坤上伏乾初

上乾初伏坤上也

反乾上伏坤初

乾初睽初

也乾上睽四也乾初動之上合坤上乾上動之初伏

合坤初剛上柔下故爲天地不交艮爲萬物亨爲通

萬物謂三四三坤三伏乾四也

反坤四伏乾三

四乾三伏坤

四也

反乾四伏坤三

乾三睽三伏也乾四睽五伏也乾三動

之四合坤四乾四動之三伏合坤三故爲萬物不通

萬物不通以三伏乾四言所謂否之匪人不利君子

貞也乾爲上坤爲下上下謂二五二坤二伏乾五也

反坤五伏乾二

五乾二伏坤五也

反乾五伏坤二

乾二睽二也乾五

睽上也乾二動之五合坤五乾五動之二伏合坤二
故爲上下不交坤爲天下乾爲邦上下不交故天下
无邦天下无邦以二言也內謂來而伸也外謂往而
屈也乾爲陽爲剛爲君子坤爲陰爲柔爲小人陰陽
以天地言剛柔以上下言君子小人以萬物言三爲
道陰息至三故小人道長陽消至三故君子道消此
統釋否彖也故曰否之匪人不利君子貞大往小來
則是天地不交而萬物不通也上下不交而天下无
邦也內陰而外陽內柔而外剛內小人而外君子小
人道長君子道消也

象傳天地不交否君子以儉德辟難不可榮以祿

辟音
遇難

乃旦
反

天地不交以來言也乾爲天坤爲地交際也天謂二
伏乾五乾五卽五乾二體乾地謂二坤二坤二卽五
伏坤五體坤乾二下合坤五剛上柔下故爲天地不
交天地不交否之象也故爲否故曰天地不交否君
子以儉德辟難不可榮以祿以往言也艮爲君子君
子謂四乾三也乾三體艮以謂以變也坤爲儉乾爲
德巽爲辟坎爲難乾三下合坤四儉德辟難以乾三
言也乾三動之五伏合坤上坤上體坎故爲君子以
儉德辟難坤爲可乾爲榮爲祿不可榮以祿以伏坤
四言也坤四變合乾四故爲不可榮以祿此否變大

壯之象也故曰君子以儉德辟難不可榮以祿

拔茅貞吉志在君也

坤爲志乾爲君志謂上伏坤上坤上卽初伏乾上君
謂四乾三坤上動之五合乾三故爲志在君故曰拔
拔茅貞吉志在君也

大人否亨不亂羣也

坤爲亂爲羣不亂羣以伏乾五言也羣謂五伏坤五
坤五上合乾二故爲不亂羣故曰大人否亨不亂羣
也

包羞位不當也

富平羣
下同

坤爲位坤三下合乾四故爲位不當故曰包羞位不

當也

有命无咎志行也

行音杭

坤爲志乾爲行志謂三坤三坤三卽四乾三動之初伏合乾初故爲志行故曰有命无咎志行也

大人之吉位正當也

坤爲位位謂伏坤五乾二下合坤五故爲位正當故曰大人之吉位正當也

否終則傾何可長也

艮爲終巽爲長終謂極也否極則反泰以大數計不過三十年蓋三十年爲一世也此謂初坤初坤初體巽動之二伏合乾上故爲何可長故曰否終則傾何

可長也

三三離下
乾上

同人于野亨利涉大川利君子貞

同人消卦也自遯來也與大有反易六月之卦乾爲
同坤爲人同人謂與人同也以二伏名也二坤二伏
乾三也乾三遯三也坤二遯初也乾三動之二伏合
坤二以剛同柔乾三卽五乾上體乾坤二體離乾爲
天離爲火同人消卦上下相反故卦離下乾上有天
與火之象故爲同人同人以來言也初爲野剛柔應
爲亨同人于野亨以二伏乾三言也乾三遯三也動
之二伏合坤二坤二卽初伏坤三故爲同人于野坤

三上合乾四乾四卽五伏坤四三四交易上下相應
故亨故爲同人于野亨乾爲利兌爲大川利涉大川
以初乾四言也乾四遯二伏也動之初合坤三坤三
體兌故爲利涉大川乾爲利艮爲君子五爲貞利君
子貞以五伏坤四言也坤四卽初乾四亦卽二伏乾
三體艮遯上伏也動之五伏合乾上下應于二故爲
利君子貞此同人之象也故曰同人于野亨利涉大
川利君子貞

初九同人于門无咎

同人初乾四伏坤三也乾自遯二伏來坤自遯三伏
來也

反乾三伏坤四

乾動之鼎二合坤四坤動之鼎三伏合

乾三初以來言也乾爲同坤爲人艮爲門門謂遯二
坤初也坤初體艮乾四遯二坤初伏也動之初合坤
三故爲同人于門坤爲咎咎卽謂坤初也乾四之初
坤初之上伏故无咎此初之象也故初九曰同人于
門无咎

六二同人于宗吝

同人二坤二伏乾三也坤自遯初來乾自遯三來伏
也反坤五伏乾四坤動之鼎五合乾初乾動之鼎三
合坤三二亦以來言也坤爲宗爲吝宗謂內也門內
曰宗乾三遯三也動之二伏合坤二故爲同人于宗
同人于宗故吝此二之象也故六二曰同人于宗吝

九三伏戎于莽升其高陵三歲不興

同人三乾二伏坤五也自遯四來也

反乾五動之鼎伏坤二

四三以往言也離爲戎坎爲莽坎爲叢棘故爲莽戎
謂伏坤五坤五體離莽謂乾二乾二體坎乾二下合
坤五故爲伏戎于莽艮爲高陵升登也高陵謂四乾
初初反上體艮三動之四故爲升其高陵乾爲歲歲
年也卦主一歲三歲謂自同人至中孚也

反小興起遯

也坤五至中孚不見故爲三歲不興此三之象也故
九三曰伏戎于莽升其高陵三歲不興

九四乘其墉弗克攻吉

同人四乾初伏坤上也自遯五來也

反乾上乾動之伏坤初

鼎五伏合坤二坤動之鼎初合乾五四亦以往言也
上爲乘艮爲墉乘其墉以伏坤上言也墉謂初乾四
乾四體艮其指五伏坤四言也乾四坤四之墉坤上
之初故爲乘其墉艮爲攻攻擊也弗克攻以乾初言
也乾初體艮攻謂攻五伏坤四也乾初動之五伏合
坤二坤四動之二伏合乾四故爲弗克攻息爲吉吉
以上伏坤初言也坤初卽四乾初乾初動之鼎五伏
合坤二坤初動變鼎上伏合乾上故吉此四之象也
故九四曰乘其墉弗克攻吉

九五同人先號咷而後笑大師克相遇

號平聲

同人五乾上伏坤四也自遯上來也

反乾初乾動之伏坤三

鼎上合坤初坤動之鼎二伏合乾四同人先號咷而後笑以來言也謂初乾四也乾四遯二坤初伏也動之初合坤三坤初體兌乾四體震兌爲號咷震爲笑故爲同人先號咷而後笑大師克相遇以往言也謂五伏坤四也乾爲大坤爲師勝爲克合爲遇克謂克而去之也大師謂四乾初乾初卽上伏坤初坤四上合乾上乾上動之上合坤初乾初動之五伏合坤二坤四動之二伏合乾四故爲大師克相遇此五之象也故九五曰同人先號咷而後笑大師克相遇

上九同人于郊无悔

同人在上乾五伏坤初也乾自遯初伏來坤自遯二來

伏也

反乾二伏坤上

乾動之鼎初伏合坤上坤動變鼎上伏

合乾上上亦以往言也乾爲同坤爲人爲郊郊國外

也謂初乾五動之初伏合坤上故爲同人于郊坤爲
悔悔謂伏坤初乾五動之初伏坤初變合乾上故无
悔此上之象也故上九曰同人于郊无悔

彖傳同人柔得位得中而應乎乾曰同人同人曰同人
于野亨 句 利涉大川乾行也文明以健中正而應君子
正也唯君子爲能通天下之志

坤爲柔爲位爲中爲應三爲乾分爲曰柔謂二坤二
位謂二伏乾三中謂初伏坤三乾謂初乾四坤二遯
初也動之二合乾三乾三即初伏坤三坤三上合乾

四故爲柔得位得中而應乎乾柔得位得中而應乎
乾是柔應剛剛同柔故爲同人此釋卦名也乾爲同
坤爲人分爲曰同人曰三字以二伏乾三言也乾三
遯三也下合坤三乾三動之二伏合坤二坤三動之
初伏合乾四故爲同人曰此三字應連下同人于野
亨讀因同人于野亨句釋在後故先述其辭同人猶
言同人卦同人而同人于野亨何也乃喝下之辭說
見下三爲乾爲行乾行謂初乾四也乾四遯二伏也
動之初合坤三故爲乾行離爲文明乾爲健文明以
健謂二坤二也坤二體離遯初也動之二合乾三故
爲文明以健坤爲中爲應乾爲正中正而應謂二伏

乾三也乾三卽初伏坤三坤三上合乾四乾四卽五
伏坤四故爲中正而應君子正謂五伏坤四也文明
以健中正而應故君子正也乾行句釋利涉大川文
明以健三句釋利君子貞卽所以釋同人于野亨也
唯君子爲能通天下之志乃申言之以五伏坤四言
也坤爲天下爲志亨爲通天下之志謂二伏乾三也
坤四卽初乾四乾四下合坤三坤三卽二伏乾三故
爲唯君子爲能通天下之志此推言所以能亨之故
也此統釋同人之彖也故曰同人柔得位得中而應
乎乾曰同人同人曰同人于野亨利涉大川乾行也
文明以健中正而應君子正也唯君子爲能通天下

之志

象傳天與火同人君子以類族辨物

天與火以來言也乾爲天離爲火天謂二伏乾三乾三體乾火謂二坤二坤二體離乾三卽五乾上下合坤二故爲天與火天與火以剛同柔故爲同人故曰天與火同人君子以類族辨物以往言也艮爲君子君子謂二伏乾三也乾三體艮以謂以變也坤爲族乾爲物類謂類而合之也辨別也謂分也族謂五伏坤四物謂四乾初乾三卽初伏坤三乾三上合坤二坤三上合乾四乾三動之三合坤三乾四動之二合坤四坤二動之五合乾初乾初卽上伏坤初故爲君

子以類族辨物此同人變鼎之象也故曰君子以類族辨物

出門同人又誰咎也

震爲出坤爲咎出謂初乾四咎謂上伏坤初乾四體震遯二伏也坤初體坤遯二也乾四動之初合坤三坤初動之上伏合乾五故爲出門同人又誰咎也故曰出門同人又誰咎也

同人于宗吝道也

艮爲道乾三體艮遯三也動之二伏合坤二故爲吝道故曰同人于宗吝道也

伏戎于莽敵剛也三歲不興安行也

行音杭

乾爲敵爲剛敵剛謂敵者剛也卽謂乾二坤五上合
乾二故爲敵剛坤爲安乾爲行安行謂安行于下也
坤五至中孚變合乾五故爲安行故曰伏戎于莽敵
剛也三歲不興安行也

乘其墉義弗克也其吉則困而反則也

坤爲義義謂伏坤上坤上之初乾四之二故爲義弗
克坤爲困上爲則困謂乾初則謂五乾上乾初卽上
伏坤初乾初動之鼎五伏合坤二坤初動變鼎上伏
合乾上故爲則困而反則也故曰乘其墉義弗克也
其吉則困而反則也

同人之先以中直也大師相遇言相克也

坤爲中乾爲直能左右之曰以以謂上伏坤初直謂
初乾四乾四遯二坤初伏也坤初動之上伏乾四動
之初故爲以中直坤爲言言謂四乾初乾初卽上伏
坤初乾初動之五伏合坤二坤初動變上伏合乾上
故爲言相克故曰同人之先以中直也大師相遇言
相克也

同人于郊志未得也

坤爲志乾爲得乾五動之初伏故爲志未得故曰同
人于郊志未得也

三三離上

大有元亨

大有息卦也自大壯來也與同人反易十二月之卦
乾爲大爲有大有謂有乎大也以五名也五坤五伏
乾四也坤五大壯上也乾四大壯四也坤五動之五
合乾四乾四卽上伏坤四坤四上合乾三乾三卽二
伏坤三坤三上合乾初剛柔交易上下皆應所有者
大乾四體乾坤五體離乾爲天離爲火故卦乾下離
上有火在天上之象故爲大有大有以來言也初爲
元剛柔應爲亨元謂二乾初也乾初下合坤三坤三
卽上乾三亦卽上五乾四乾四上合坤五五反卽二
坤元也剛柔交應故元亨此大有之象也故曰大有
元亨

初九无交害匪咎艱則无咎

大有初乾二伏坤上也乾自大壯上伏來坤自大壯

五來伏也

反乾五伏坤初

乾動之革上伏合坤初坤動變革

初伏合乾初初以往言也坤爲害兌爲交害謂三伏坤初也交謂交易也无交害以乾二言也乾二體兌動之上伏合坤初故爲交害交則爲害故无交害坤爲咎爲艱艱謂艱伏也匪咎艱則无咎以伏坤上言也坤上卽三乾上匪咎謂乾上艱則无咎謂坤上乾上動之革二伏合坤五坤上動變革初伏合乾初剛柔交易故爲匪咎艱則无咎此初之象也故初九曰无交害匪咎艱則无咎

九二大車以載有攸往无咎

大有二乾初伏坤三也自大壯初來也

反乾上伏坤四乾動

之革初合坤上坤動之革五伏合乾三二亦以往言也坤爲大車爲載大車謂初伏坤上也乾初動之初合坤上故爲大車以載坤爲往爲咎有攸往无咎謂三乾上也乾上卽初伏坤上動之二伏合坤五故爲有攸往大車以載故有攸往无咎此二之象也故九二曰大車以載有攸往无咎

九三公用亨于天子小人勿克

亨許庚反

大有三乾上伏坤初也自大壯二來也

反乾初伏坤上乾動

之革二伏合坤五坤動之革上合乾二三亦以往言

也震爲公坤爲用通爲亨乾爲天子公用亨于天子
以乾上言也乾上體震天子謂上乾三乾三卽二伏
坤三乾上動之二伏合坤五坤三動之五伏合乾三
剛柔應故爲公用亨于天子坤爲小人小人弗克以
伏坤初言也坤初動之上合乾二故爲小人弗克此
三之象也故九三曰公用亨于天子小人弗克

九四匪其彭无咎

彭步郎反

大有四乾五伏坤二也自大壯三來也

反乾二動之伏坤五

革二四以來言也乾爲彭彭音旁壯也匪其彭以乾
五言也謂五伏乾四也其指乾四乾四大壯四也乾
五大壯三也乾五動之四合坤二乾四動之五伏合

坤五坤五卽四乾五故爲匪其彭坤爲咎无咎以上
伏坤四言也坤四卽五乾四大壯四伏也乾四動之
五伏合坤五坤四動之上伏合乾三剛柔交易故无
咎此四之象也故九四曰匪其彭无咎

六五厥孚交如威如吉

大有五坤五伏乾四也坤自大壯上來乾自大壯四
來伏也

反坤二
伏乾三

坤動之革二合乾上乾動之革四合

坤四五亦以來言也乾爲孚爲威息爲吉孚信也合
也交謂交易也厥孚交如威如吉以坤五言也孚謂
伏乾四威謂上乾三坤五大壯上也乾四大壯四也
乾三大壯五伏也坤五動之五合乾四乾三動之上

合坤四坤四卽五伏乾四故爲厥孚交如威如吉此五之象也故六五曰厥孚交如威如吉

上九自天祐之吉无不利

大有上乾三伏坤四也乾自大壯五伏來坤自大壯

四伏來也

反乾四伏坤三

乾動之革五合坤三坤動之革四

伏合乾四上亦以來言也乾爲天爲祐爲利息爲吉

祐助也自從也天謂二乾初乾初體乾大壯初也動

之二合坤三坤三卽上乾三故爲自天祐之吉无不

利兼五伏乾四言也乾三大壯五伏也動之上合坤

四坤四卽五伏乾四故吉无不利吉以乾三言无不

利以坤四言也此上之象也故上九曰自天祐之吉

无不利

彖傳大有柔得尊位大中而上下應之曰大有其德剛健而文明應乎天而時行是以元亨

坤爲柔爲位爲中爲下爲應乾爲尊爲大爲上分爲
曰柔謂五坤五也尊位謂五大中謂五伏乾四上謂
上乾三二乾初下謂上伏坤四二伏坤三坤五大壯
上也動之五合乾四乾四卽上伏坤四坤四上合乾
三乾三卽二伏坤三坤三上合乾初故爲柔得尊位
大中而上下應之柔得尊位大中而上下應之故爲
大有此釋卦名也乾爲德爲剛健離爲文明其德剛
健而文明以五伏乾四言也乾四卽上伏坤四乾四

大壯四也坤四大壯四伏也乾四動之五伏合坤五
坤四動之上伏合乾三乾三卽乾四乾三體乾坤五
體離故爲其德剛健而文明坤爲應乾爲天爲行兌
爲時應乎天而時行以上伏坤四言也坤四上合乾
三乾三卽二伏坤三坤三上合乾初乾初體乾坤三
體兌故爲應乎天而時行文明坤元也時行乾元也
剛健文明應天時行大有所以元亨也故爲是以元
亨此釋元亨也此統釋大有之彖也故曰大有柔得
尊位大中而上下應之曰大有其德剛健而文明應
乎天而時行是以元亨

象傳火在天上大有君子以遏惡揚善順天休命

火在天上以來言也離爲火乾爲天火謂五坤五坤五體離天謂五伏乾四乾四卽二乾初體乾坤五下合乾四故爲火在天上火在天上剛爲柔有故爲大有故曰火在天上大有君子以遏惡揚善順天休命以往言也艮爲君子君子謂上乾三也乾三體艮以謂以變也艮爲遏震爲揚坤爲惡乾爲善惡謂二伏坤三善謂五伏乾四乾三動之五合坤三乾四動之四合坤四乾三體艮乾四體震故爲君子以遏惡揚善坤爲順爲休乾爲天巽爲命順謂初乾二也天謂三乾上也休謂五坤五也命謂三伏坤初也乾上動之二伏合坤五乾二動之上伏合坤初坤初體巽故

爲順天休命此大有變革之象也故曰君子以遏惡
揚善順天休命

大有初九无交害也

害謂三伏坤初乾二動之上伏合坤初乾上動之二
伏合坤五故无交害害謂害三也故曰大有初九无
交害也

大車以載積中不敗也

積重也坤爲中分爲敗積中不敗以二乾初言也謂
三乾上也乾上卽初伏坤上乾上動之二伏合坤五
坤上動變初伏合乾初初二相重故爲積中不敗故
曰大車以載積中不敗也

公用亨于天子小人害也

坤爲害公謂乾上小人謂伏坤初乾上動之二伏合
坤五坤初動之上合乾二故爲害故曰公用亨于天
子小人害也

匪其彭无咎明辨皙也

皙之世反

離爲明乾爲皙辨別也謂分也明謂五坤五皙謂上
乾三辨謂五伏乾四乾四卽上伏坤四乾四大壯四
也坤四大壯四伏也乾四動之五伏合坤五坤四動
之上伏合乾三剛柔交易故爲明辨皙故曰匪其彭
无咎明辨皙也

厥孚交如信以發志也威如之吉易而无備也

易入聲

乾爲信坤爲志發開也信以發志以伏乾四言也信謂乾四志謂上伏坤四乾四大壯四也坤四大壯四伏也乾四動之五伏合坤五坤四動之上伏合乾三故爲信以發志兌爲易易謂交易也備疑同憊困也易而无備以上乾三言也乾三大壯五伏也乾四動之五伏合坤五乾三動之上合坤四故爲易而无備故曰厥孚交如信以發志也威如之吉易而无備也大有在上自天祐也

上謂上乾三也自天祐之故大有在上故曰大有在上自天祐也

周易消息卷二